



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Capitvla.

urn:nbn:de:hbz:466:1-15974

solenniter ac communiter edidimus, & promulgatas publice mandamus per eamdem prouinciam inuiolabiliter obseruari.

C A P I T V L A.

I.

Quia multi prælati bona ecclesiastica alienant, vendunt vel distrahunt minus iuste, vel etiam locationes longi temporis & nocivas faciunt, de eisdem statuimus, ut nihil talium de cetero attentare præsumant, nisi expresse auctoritate episcopi, & consensu conuentus monasterii accedente, alias locatio & alienatio prorsus sit irrita, & alienator ab administratione temporalium, & ab ingressu ecclesiæ tamdiu sit suspensus, donec ecclesiam reddat indemnem. Et vt circa hæc fraus & alienationis materia præcludatur, volumus vt sigillum capituli non apud abbatem, vel apud prælatum, sed apud matriores & fide digniores tres fratres capitulo referueretur.

II.

Item, ne etiam res ecclesiasticæ in usus indebitos conuertantur, & fidelis dispensatio prælatorum apparentius elucescat, diffinimus, ut de bonis ecclesiæ semel in anno prælatus cuiuslibet conuentus ecclesiæ conuenientium suo de omnibus redditibus & prouentibus monasterio plenam faciat rationem, præsente episcopo, vel eius nuntio ad hoc specialiter deputato, si episcopus fuerit ad hoc requisitus: & bis vel ter in anno a suis officialibus, monachis & laicis computationem discretam faciat & fidelem: alioquin incidit supradictam *.

per

III.

Item a festo Martini ab omnibus religiosis usque ad nativitatem Domini jejunium obseruetur: & a quinquagesima eisdem præcipimus jejunium in cibis quadragesimalibus inchoare: saluis omnibus jejuniis aliis a suorum regulis institutis.

IV.

Item statuimus, ut monachi vel regulares, nisi a notitia præsentium infra dies quindecim, vel ante ad manus suorum offerant prælatorum, usque ad restitutionem debitam ab officio sint suspensi; & nihilo minus, si manifesta sit proprietas, carcerali custodiæ mancipentur.

V.

Item ut habitus debitus vnicuique religiosos & religiosas distinguat a sacerdotalibus, a quibus debent esse vita & moribus separati; volumus etiam ut quilibet religiosi & religiosæ, tam monachi, quam extra monasteria, ueste suæ religionis utantur, & uestes sacerdotalibus nullatenus assumere præsumant.

VI.

Item inhonestos & indecentes religiosorum discursus amputare volentes, determinamus ut quicumque prælatus monachum fugitiuum vel exectum ad admonitionem episcopi, rectorum vel visitatorum ordinis non receperit, extunc sit a temporalium administratione suspensus, donec recipiat monachum vagabundum. Ut inquietos & inobedientes coercere possint per poenas in sua regula constitutas, & mancipare carceribus penitus incorrigibiliter obstinatos, ubi magis visum

fuerit expedire , quod de consilio ordinarii ad alia
ANNO
CHRISTI
111.

VII.

Item , licet felicis recordationis Gregorius pa-
pa nonus prouidere statuerit , vt in singulis regnis
seu prouinciis prælati ordinis sancti Benedicti de
triennio in triennium capitula regularia celebrare
deberent , & nos idem statutum in prouinciali du-
xerimus innouandum ; quia tamen nullus fructus
adhuc est ex prædicto statuto & innouatione , re-
petita vice decreuimus eadem capitula celebrari ;
iure tamen ordinariorum per omnia saluo .

VIII.

Item ne monasteria immoderatis visitatorum
sumptibus grauiter onerentur , statuimus vt quilibet abbas , qui pro tempore visitator fuerit , vel etiam
capitulum generale accesserit , octo euentio-
num numerum non excedat : inferiores vero ab-
bates paucioribus sint contenti .

IX.

Item cum dolore accepimus , quod quadam
moniales in eodem monasterio communiter habi-
tantes communem vitam non ducunt , nec in eodem
comedunt refectorio , sed seorsum per came-
ras speciales . Volumus igitur vt communiter re-
gularia loca frequentent , & in eodem refectorio
communibus cibis vtantur . Et quod abbatissa ab
aduentu Domini usque in octauam epiphaniae , &
septuagesima usque in octauam paschæ , in dormi-
torio dormiat , & in refectorio comedat cum eius-
dem .

X.

X.

Item cum in nostro prouinciali Concilio proxime celebrato clericis plura beneficia curam animarum habentibus duxerimus iniungendum, vt infra certum terminum & tempus dispensationis suæ fidem nobis facerent, vt vltimo eis remanente beneficio iuxta Lateranense Concilium prioribus essent ipso iure priuati, ex superabundanti expectantes expectauimus vsque modo. Quare volumus districte præcipientes, vt durante tempore præsentis nostri Concilii literas suæ dispensationis nobis exhibeant; alioquin quod prius contra tales beneficiatos statutum est efficaciter exequemur, huiusmodi beneficia tamquam de iure vacantia personis idoneis conferendo.

X I.

Item licet rectoribus ecclesiarum qui a residen-
tia excusantur mandauerimus in proximo Con-
cilio, quatenus personas idoneas ordinarent in-
ecclesiis suis in perpetuos vicarios institui, ac lo-
cari trimestri tempore ad hoc exequendum in-
dulto: tamen quia in hoc exhibuerunt se aliqui
negligentes, nos institutionem huiusmodi vicario-
rum, seu locationem ecclesiarum, simul & mode-
ramen præbendarum, præcise ad nostram prouin-
ciatam reuocamus, sublata eis omni circa pro-
visionem huiusmodi potestate, vt sic puniantur ex
eo in quo delinquere præsumperunt.

X II.

Item sub velamento aduocationis nonnun-

Cöncil. Tom. 28.

Kkkk

quam grauantur monasteria conuentualium , pa-
rochialium, & aliarum ecclesiarum libertas & * im-
munitas perturbantur ; decreuimus , vt omnes qui
occasione huiusmodi aliquod ius sibi vendicant in
ecclesiis , nisi de iure suo ordinarium loci contra-
ctum fecerint, ante festum sancti Ioannis Baptista,
quem eis ad hoc terminum peremptorium assi-
gnamus ; extunc super hoc de cetero nullatenus
audiantur ; & clericus, qui se non opposuit taliter
vsurpanti , poenam sustineat nuper in Lugdunensi
Concilio statutam.

XIII.

Item, cum hi qui violentas manus mittunt in
clericos incident ipso facto in Canonem legitime
promulgatum , districte præcipimus , vt in paro-
chia, in qua tale delictum commissum fuerit, vel ta-
lis malefactor domicilium habuerit, rectores illa-
rum ecclesiarum ipsum excommunicatum devident,
& denuntient singulis diebus dominicis & festiis;
vt sic rubore perfusus ad matrem ecclesiam citius
reuertatur: illos vero clericos , qui vel alias nomi-
natim excommunicatos , vel interdictos ad diuina ,
vel ecclesiasticam sepulturam scienter recepe-
rint , ab omni officio ecclesiastico suspensos decer-
nimus remanere , vtpote qui sua temeritate nitun-
tur frangere neruum ecclesiasticæ disciplinæ , &
eum qui in prædictam denuntiationem, postquam
sibi per ordinarium fuerit demandatum , negli-
gens fuerit aut remissus , per quindecim dies ab
ingressu ecclesiæ , & ab officio sit suspensus , &
culpam reiteratam poenæ reiteratio subsequatur.

MARTINVS SALTZBURGENSE. RUDOLPHVS I.
P. IV. IMP. 627

ANNO
CHRISTI
1281. Monemus etiam religiosos quoslibet, vt circa
prædictum statutum ordinationem recolendæ
memoriæ domini Guidonis curent in uiolabiliter
obseruare.

XIV.

Item statuimus, vt quicumque violenta san-
guinis effusione cœmeterium vel ecclesiam exe-
crauerint, ad expensas pro reconciliatione impen-
dendas, execrationibus huiusmodi [†] teneatur. Si
soluendo fuerit rebellis, per censuram ecclesiasti-
cam a rectore loci auctoritate huius Concilii ar-
ctetur: si vero soluendo non fuerit, alias pro ip-
sius diœcesani arbitrio puniatur.

[†] Hec vo-
cula in ma-
nuscripto
desidera-
batur.

XV.

Item statutum bonæ memoriæ Guidonis con-
tra patronos & iudices & præcones editum, qui
bona inuadunt decedentium clericorum pro ne-
cessitate temporis agrauantes, statuimus vt raptor-
es rerum huiusmodi vacantium ecclesiarum ipso
iure excommunicationem incurvant: & in locis,
ad quæ eadem bona violenter ablata deducta illa
eo fuerint, postquam hoc ecclesiarum rectoribus
innotuerit, cessetur tamdiu a diuinis, donec sub-
repta eadem successori defuncti reddantur, & in
loca pristina reportentur, & alias satisfactio com-
petens subsequatur. Et hoc statutum non solum
ad futura, sed ad præterita extendatur.

XVI.

Item reminiscens Moysi serui Domini, qui
hostes populi sui non ferro pugnando, sed prece
orando deiecit, statuimus vt per præsentis anni de-

Concil. Tom. 28.

Kkkk ij

cursum in instanti aduentu Domini inchoandum,
in singulis cathedralibus, conuentualibus & paro-
chialibus ecclesiis, psalmus, *Domine quid multiplicati*,
p. sal. 3. cum oratione dominica, & versu, *Fiat pax in vir-
tute tua*, *Esto nobis turris fortitudinis*, & colle-
cta, Deus, a quo sancta desideria, clerus, prouolutis
in terram genibus, & erexitis in cælum cordibus, in
Missa post tertium Agnus Dei quotidie semel di-
cat: *Quatenus Dominus noster Iesus Christus, rex*
pacificus, sedatis tribulationibus, & ecclesiarum
persecutoribus & inuasoribus humiliatis, pacem
in populo suo multiplicatis intercessoribus largia-
tur.

XVII.

Item ad falsariorum malitiam reprimendam
diffinimus, vt qui clerici vel laici sigilla vel literas
principum vel prælatorum falsare, vel falsis scien-
ter vti præsumunt, aut etiam falsam monetam
cudere, vel quodcumque æs seu metallum adul-
terine fabrefacere, aut his omnibus vel similibus
vti scienter præsumperunt, ipso facto sententiam
excommunicationis incurvant. Clericis nihilo mi-
nus, si de hoc conuicti fuerint, carcere episcopali
mancipandis: laicis autem sacerdotali iudicio con-
demnandis.

XVIII.

Item constitutio Concilii proxime celebra-
ti, quæ clericis de manibus laicorum, antequam
per ordinarios instituantur, ecclesias recipientibus
pœnas ingerit & infligit, in eo, quod experientia
deesse docuit, supplere volentes, statuimus ut qui-

MARTINVS SALTZBURGENSE RUDOLPHVS I.
P. IV. IMP. 629

ANNO CHRISTI
1285. cumque clericus contra processus pœnas, & ordinationes ordinarii, contra eum habens defensionem præsidio laicorum, illaque ausus fuerit vti, ipso facto sententiam excommunicationis incurrat. Verum cum parum sit iura condere, nisi sint qui eadem tueantur, præcipimus, quatenus salutaria nostra monita, vt moribus vtentium approbentur, in quatuor temporibus anni, in singulis cathedralibus & conuentualibus ecclesiis recitentur. Rectores vero ecclesiarum ipsa scripta habeant, & per singulas Synodos ab archidiacono de earum rerum obseruantia interrogari præcipimus, & inquiri, & nihilo minus sine delectu personarum * præuiemus in obedientiam, qui nostrarum sanctionum inuenti fuerint contemptores.

VITA

HONORII PAPÆ IV.

ANNO CHRISTI
1285. HONORIVS quartus, patria Romanus, ex illustri Salluerorum familia natus, Iacobi nomine antea vocatus, Perusii, pontifex electus est, quarto Nonas Aprilis anno Domini 1285. tempore Rudolphi imperatoris. Adeo podagris & chiragris impeditiebatur, vt non nisi instrumentis ad id affabre compositis suffultus celebrare posset. Prudentia & consiliis nulli erat secundus. Excommunicationem contra Petrum regem latam renouauit, ideo quod omnibus conatibus regnum Neapolitanum affectabat. Parum etiam absuit quin Genuenses interdicto notauerit, quod Pisanos obstinate persequentes apud Lamellum ingentibus cladibus affecissent. Guidone Feltrano, a quo inquietabatur, mortuo, Flaminiam recuperavit. Carmelitarum ordinem, cassis eorum nigris in albas commutatis, vna cum ordine Eremitarum, antea Parisiis exagitatum confirmauit: non quod illi celeberrimi ordi-

Kkkk ij